

Raajanut akitsuutit pillugit Inatsisartut inatsisaata allanngortinnejarneranik Inatsisartut inatsisissaattut siunnersuut
(Aningaasaqarnermut Naalakkersuisumit saqqummiunneqartoq)

pillugu

siunnersuutip aappassaaneerneqarneranut

Aningaasaqarnermut Akileraartarnermullu Ataatsimiititaliap

ILASSUTITUT ISUMALIUTISSIISUTAA

Ataatsimiititaliap suliarinninnerani peqataapput:

Inatsisartunut ilaasortaq Andreas Uldum, Demokraatit, siulittaasoq
 Inatsisartunut ilaasortaq Olga P. Berthelsen, Inuit Ataqatigiit, siulittaasup tullia
 Inatsisartunut ilaasortaq Juliane Henningsen, Inuit Ataqatigiit
 Inatsisartunut ilaasortaq Aqqaluaq Egede, Inuit Ataqatigiit
 Inatsisartunut ilaasortaq Siverth K. Heilmann, Atassut
 Inatsisartunut ilaasortaq Jens Immanuelsen, Siumut
 Inatsisartunut ilaasortaq Finn Karlsen, Siumut

Siunnersuut siullermeernejareermat Naalakkersuisut allannguutissatut siunnersuuteqarput, taamaattumillu ataatsimiititaliaq matumuuna ilassutitut isumaliutissiisuteqarluni.

Allannguutissatut siunnersuutip imarisai

Naalakkersuisut allannguutissatut siunnersuuteqarnertik ilaatigut ima tunngavilersorpaat:

” Siunnersuutip siullermeerinerimi saqqummiunneqartup misissornerani paasineqarpoq isertitassat amerleriaatissaat 3 mio. kr.-inut missingersuunneqarnerat qaffasippallaartoq. Isertitassat tassunga taarsiullugu minus 1 mio. kr.-it (annaasat) aamma plus 1,5 mio. kr.-it (iluanaarutit) akornannut missiliuunneqarsimasussaagaluuarput.

Aamma siunnersuut siullermeernejareersoq Naalakkersuisut paasivaat assartuinermi aningaasartuutit ilanngullugit ilanngunnagilluunniit tunisinermi, tassa imaappoq qanorluunniit niueriaaseqaraluaraanni akitsuutinik akiliinissamik kalluaannginnissaq, Raajanut akitsuutit pillugit Inatsisartut inatsisaata allanngortinnejarneranik Inatsisartut inatsisissaattut siunnersuutikkut saqqummiunneqartukkut qulakkiivinneqarsimanngitsoq [...]

Aappassaaneerinissami allannguutissatut siunnersuummik saqqummiussinissartik Naalakkersuisut tamanna tunngavigalugu kissaatigaat.

*Allannguutissatut siunnersuutip kingunerissavaa nunanut allanut nioqquteqartut assar-
tuinermi aningaasartuutiminnik ilanggussillutik naatsorsuisangitsut raajat tunineran-
ni akiat, akitsuutinik naatsorsuinissaq pisinnagu kiilumut 1 kr.-imik qaffattassagaat”.*

Ataatsimiititaliap siunnersummik suliarinninnera

Ataatsimup isigalugu ataatsimiititaliaq isumaqarpoq inatsisissatut siunnersuutit ima siusitsig-
isukkut suliarineqareersimasariaqaraluartut siunnersuutip sunniutigisinnaasaanik misissuinis-
samut tamakkiisumillu nassuaatiginissaannut Naalakkersuisut periarfissaqarlutik. Ataat-
simiititaliap kaammattutigaa Naalakkersuisut siunissami tamanna eqqumaffiginerussagaat.

Siunnersuutip aningaasatigut kingunerisassai

Naalakkersuisut ilisimatitsissutigaat allannguutissatut siunnersuutip malitsigisaanik isertitas-
sat amerleriaatissaat 1,5 mio. kr.-iussassut, siunnersuutaqqaartumit 1,5 mio. kr.-inik ikin-
nerullutik.

Ataatsimiititaliap inassuteqaatai

Ataatsimiititaliap isumaqatigiittup allannguutissatut siunnersuutip akuerineqarnissa inassutigaa

Taamatut oqaaseqarluni isumaliutissiisummilu oqaatigineqartutut paasinnilluni ataatsimiiti-
taliap taamaalliluni siunnersuut aappaaniigassanngortippaa.

Andreas Uldum, Siulittaasoq

Olga P. Berthelsen

Juliane Henningsen

Aqqaluqaq Egede

Siverth K. Heilmann

Jens Immanuelsen

Finn Karlsen